



瑞葉山房藥鈔

五十九

4普1  
595  
59

五十九









歷代畫史彙傳卷二十三目錄

陽韻

望漢

楊魯後漢修魏

惠晉

乞德魏

子華北齊契丹隋

須跋唐

德紹

德本庭光

昇

寧

惠之坦

爽

仙喬

臚整

岫之

安





樹兒

辨

輝南唐

元真前蜀

斐宋

丹

肌

圭

吉老

寵

道孚

邴

威

傑

安道

士賢

簡

鎮

瓚

公傑

八門司

日言

大明

世昌

邦基金

叔謙元

維翰

月淵

悅巖

清溪

文昭

周卿

仲開

基明

箕

雲林

子英

墳

體秀

榮

庭端

節

瑗

學詩

英

一洲

宗白

文驄

芳

復一

觀光

燦

名時

繼鵬

達仙

珂

治卿

起鵬

淞

祺木朝

補

德偉

津

涵



維聰 恢基 芝 晉

謙 溥 振崑 泰基

芝茂 啟運 絲 遠

昌文 九垓 霖 十章

舟 翥 遂 亭

士林 亭 黠 原

方熾 良 建泰 汝諧

培 謙 安景 振鐸

嘉梓 天壁 恕 昌緒

錕 春 塏 琛

欲仁 士鏞 湛思 銑

秉桂 墨香











之變以修有才策又為袁氏甥忌而見誅年四十

有五著賦頌碑讚詩哀辭表記書凡十五篇後漢

書本傳并注魏志陳思王傳注 歷代名畫記

圖繪寶鑑

晉

楊 惠辟召不就善畫 歷代名畫記 述畫記 圖

繪寶鑑

魏

楊乞德封新鄉侯歸心釋門善釋像 歷代名畫記

圖繪寶鑑

北齊

楊子華官直閣將軍員外散騎常侍嘗畫馬於壁夜

聽啼齧長鳴如索水草圖龍於素舒卷輒雲氣縈

集世祖重之居禁中天下號為畫聖時有王子中

善棋通神號稱二絕貞觀公私畫史 歷代名畫

記 圖繪寶鑑



隋

楊契丹官至上儀同後畫錄善畫佛像人物故實與

田僧亮鄭法士同在京師光明寺繪壁鄭深歎服

歷代名畫記 畫後品 後畫錄 圖繪寶鑑

唐

楊須跋唐初擅名於畫歷代名畫記 圖繪寶鑑

楊德紹唐初擅名於畫同上

楊德木吳人中宗時善雜畫同上

楊庭光開元中與吳道元齊名釋道人物得其體行

筆差細雜畫山水皆極其妙唐朝名畫錄 歷代

名畫記 宣和畫譜 圖繪寶鑑

楊昇開元館畫直以寫照專門學僧繇沒骨法亦

善山水唐書藝文志 歷代名畫記 宣和畫譜

圖繪寶鑑

楊寧與昇同時為開元史館畫直繪像風神氣骨

不止於求似得畫人物之難歷代名畫記 宣和



畫譜

圖繪寶鑑

楊惠之開元中與吳道元同師張僧繇巧藝並著道  
 元聲光獨顯惠之焚筆研殺然發憤攻塑作時有  
 道子畫惠之塑奪得僧繇神筆路神之稱崑山慧  
 聚寺天王像為其所塑傍二侍女尤佳徐林嘗記  
 戒後人不可妄加修飾後果為俗工修失其初意  
 姑蘇志 五代名畫補遺 歷代名畫記  
 按姑蘇志本中吳紀聞云豈因慧聚寺有遺蹟遂

以為吳人歟

楊

坦

名畫記作坦

長安人畫鬼神天女明睇將瞬

歷代

名畫記

京洛寺塔記

圖繪寶鑑

楊

爽坦子能紹父藝

歷代名畫記

圖繪寶鑑

傳

楊仙喬

或作橋

長安人好圖佛寺鬼神

歷代名畫記

圖繪寶鑑

楊

拙學吳生點睛髭髮有意

畫後品



楊

整 名書記圖繪善畫 歷代名畫記 畫錄 圖  
寶鑑 作楊整 繪寶鑑

楊岫之大厓中工鬼神

京洛寺塔記 圖繪寶鑑補

遺

楊

炎字公南號小楊山人鳳翔天興人 名書記作華陰人

貞元中宰相建中初貶崖州山水高奇雅贍松石雲物移動造化觀者謂之神異為人魁岸灑落孝父著於代墓有紫芝白鶴之祥詔表其閭且三世

以孝行聞開元後言制誥者稱常楊云與盧杞有

隙貶崖州司馬同正未至百里賜死年五十有五

初炎矯節志節頗得名既傳會元載抵罪俄而得

政忤害根中不能自止毗睚必讐果於用私終及

飛語之禍及貶還所服久之詔更復其官諡肅愍

左丞孔戣駁之更曰平厲 唐書本傳 唐朝名畫

錄 歷代名畫記 圖繪寶鑑

楊樹兒畫稱名手

歷代名畫記 圖繪寶鑑



楊 辨畫極其妙 唐朝名畫錄

南唐

楊 輝 圖畫見聞志作揮宣和 江南人畫魚得楊髻

鼓鬣之態工水草 圖畫見聞志 宣和畫譜 宋

朝名畫評 圖繪寶鑑

前蜀

楊元真金水石城山人張元外族始居蜀後召入鄴  
不回工佛道精布色善為曹筆 圖畫見聞志 益

州名畫錄 圖繪寶鑑

宋

楊 斐 宣和畫譜圖 京師人客遊江浙後居淮楚佛

像宗吳筆尤於觀音得名性不拘有氣概 宋朝名

畫評 宣和畫譜

楊 丹洛陽處士善寫像 小畜集

楊 肫京師人後家泗上工佛道人物尤於觀音得  
名 圖畫見聞志 畫史



楊圭臬子圖繪寶鑑有父風描像手面作極細筆

圖畫見聞志 圖繪寶鑑 臬傳

楊吉老字克一善畫竹畫繼 圖繪寶鑑

楊寵成都人花卉亞費道寧同上

楊道孚工畫竹圖繪寶鑑 畫史會要 聲畫集

楊祁彭州崇寧人善花鳥及竹又工畫雞畫繼

圖繪寶鑑

楊威絳州人畫村田樂人販之攜都下者畫院中

人爭出取之獲價必倍同上

楊傑閬州人長鬼神每下筆先畫手足然後兩三

筆成就全體同上

楊安道九江人人物山水師范寬焦墨有江湖氣韻

畫史會要 圖繪寶鑑

楊士賢宣和時待詔紹興間賜金帶山水人物師郭

熙多作小景山水林木挺勁可取圖繪寶鑑

楊簡字敬仲慈谿人乾道癸未進士理宗時官寶



謨閣學士太中大夫致仕善作墨竹師陸九淵人稱慈湖先生居官時訓士則興賢勸學督兵則示以恩信聽獄則中平無頗是以邑人以訟為耻夜無盜警路不拾遺廷對往復每至八刻極言經國之要弭災消厲禍變之道北境傳誦為之涕泣其論政務不可枚舉最急者五次者八俱其志也贈正中大夫謚文元著有甲藁乙藁冠記昏記喪記家記家祭記釋菜禮記石魚家記又有已易啟蔽

等書

宋史本傳

圖繪寶鑑

楊

鎮字子仁號中齋嚴陵人尙理宗周漢國公主

工丹青墨竹蘊藉可觀凡畫賦詩其上卷軸應詔

用駙馬都尉印精緻異常

圖繪寶鑑

畫史會要

楊

瓚字繼翁號守齋恭順皇后姪度宗淑妃父官

列卿能墨竹好古博雅善琴

同上

楊

公傑小景禽鳥得荒閒趣

圖繪寶鑑

楊

八門司畫蘭石窠木

圖繪寶鑑

畫史會要



楊日言字詢直開封人宋內臣官至中亮大夫晉州  
觀察使山林泉石荒迷蕭散氣韻高邁非世俗所  
擬倫尤善寫貌繪古賢故實幼喜讀經史尤得於  
春秋之學詞人墨卿皆願從遊篆隸八分可追配  
前人贈昭化節度使諡莊簡 宣和畫譜 圖繪寶  
鑑

楊大明字民瞻號至樂子關中將家弃蔭走方外爲  
道士善畫龜蛇 畫繼 圖繪寶鑑

楊世昌字子京武都山人道士與蘇軾遊學其山水  
圖繪寶鑑補遺

金

楊邦基字德茂號息軒華陰人天眷己未進士以永  
定軍節度使致仕畫人物兼馬山水師李成文筆  
字畫有前輩風調初爲太原交城令以廉爲河東  
第一大定辛丑卒 金史本傳 中州集 滏水集

元



楊叔謙為諸色人匠提舉進繪農桑圖帝嘉賞之  
松雪齋外集

楊維翰字子固自號方塘越之暨易人筮仕郡文學  
帥府檄為慈溪邑校陞饒之雙溪山長壑蘭竹石  
極精妙柯九思自以為不及推為方塘竹云文嗜  
三蘇字帖喜雙井黃氏  
紹興府志 東維子集

楊月澗畫花鳥龍虎  
圖繪寶鑑

楊悅巖畫釋龍工寫貌  
同上

楊清溪善畫竹  
雲陽集

楊文昭善山水  
南湖集

楊周卿善畫有金谷園圖  
元音遺響

楊仲開能畫有隱者風亦能詩  
書畫史

明

楊基字孟載號眉菴其先蜀人居平江張士誠辟  
為丞相未幾辭去客饒介所明師下平江以饒氏  
客安置臨濠旋徙之豫洪武中以薦仕至山西按



三言身真傳  
察使善山水竹石正書師鍾元常行草師二王九  
歲輯能背誦六經著有眉菴集又著書十萬餘言  
名曰論鑑與高啟張羽徐賁號吳中四傑 明史本  
傳 明史藝文志 圖繪寶鑑 書史會要 書  
史會要 無聲詩史 寓意編 北廓集

楊 彝字宗彝別號銀塘生自號萬松老人餘姚人  
洪武間為長泰主簿山水文章書畫無不精妙又  
長於詩 貴州通志 紹興府志

楊雲林工花鳥 書史會要

楊 英傳陳天器術亦有名 海鹽圖經

楊 塤或作字景和以髹筆妙繪染几屏几器具中

山水人物花鳥無不精絕古來名手莫能過也 冊  
珊瑚 無聲詩史 圖繪寶鑑續纂

楊體秀江右人善蘭蕙竹石 畫史會要

楊 榮字時秀餘姚人成化壬辰進士寫竹清風爽  
籟如其為人 紹興府志 餘姚縣志 分省人物



攷

楊庭端常熟人竹石最得真景法數試於鄉不利壯

遊京師多才藝公卿爭遣僕馬迎致之盤礴揮灑

酣歌淋漓

匏翁家藏集

楊節字居儉餘姚人宏治末以善書直內殿為序

班畫菊得草書法

紹興府志

楊

瑗當塗人為儒學教諭畫菜有生趣

圖繪寶鑑

瀨築

無聲詩史

楊學詩字可言號琴臺子善書畫好武精騎通音律

猶及編

楊英寧化人精樓閣山水尤長古松嘉靖間屢徵

直書院不往自傷其目

福建通志

閩畫記

楊一洲字伯海揚州人工山水小景可觀

畫史會要

無聲詩史

楊宗白新安人善白描

同上

楊文驄字龍友貴州人流寓金陵萬曆末由鄉薦仕



爲兵部郎博正好古有宋人骨力去其結有元人  
風雅去其佻出入巨然惠崇之間爲人豪俠自喜  
頗推獎名士亦以此附之善書有文藻後唐王  
自立福州令文驄共援衢七月

大兵至爲追騎所獲不降被戮明史本傳 無聲詩

史 圖繪寶鑑續纂 容臺集

楊芳字青之老而彌工頗類沈周畫史會要

楊復一 泗州人善翔毛花卉泗州志

楊觀光字用賓招遠人崇正間以詞林讀書中秘山

水清遠韶秀有董巨風裁無聲詩史

楊燦字 復一子世其業通琴理泗州志

楊名時字不弃歛人博雅多能精於鑑古丹青靡不  
擅美又善臨摹古帖如吳用卿餘清齋帖皆其鈎  
摹人石者無聲詩史

楊繼鵬字念冲松江人師資董氏得其心印晚年代  
筆多出其手同上



楊達山號紫髯山人又稱幔亭仙侶亦署十六洞天竺人泰寧人凡山水花鳥竹石俱以已意點染窮神盡妙嘗自云予惟一筆不似前人所以高於人能詩有作輒自題句

邵武府志

楊

珂善畫

餘姚縣志

楊治卿字宇春四明人畫竹得夏景筆意精翎毛花木縱橫變化筆狂墨舞

寧波府志

圖繪寶鑑續纂

纂

畫髓元詮

楊起鵬字龍友夜郎人舉孝廉繪事獨舒性靈一遵

古法

畫髓元詮

楊

澗字汝文鄞人工山水長於界畫

寧波府志

國朝

楊

祺字吉生龍溪人漳州衛勳裔也勝國諸生丙

戌後結茅北山語雲峯肆情書畫尺幅寸紙人爭

賞之能文工詩卒年九十有六

福建通志

楊

補字無補號古農又字白補由江西清江徙於



吳為長洲布衣善畫山水工詩少好讀書性孝謹  
重然諾當事欲與以官堅辭刻意為清新古淡之  
學甲申後隱鄧尉山卒年六十 長洲縣志 讀書  
錄 圖繪寶鑑續纂

楊德偉字異度工花草翎毛山水綴景靈峭 明州畫  
史

楊津號巨源仙遊人 圖繪寶鑑續纂作莆田人善山水花鳥以  
人物蘭竹名於時寫漢壽亭侯像精思摹想神為

現形士大夫家珍購之 仙遊縣志 圖繪寶鑑續  
纂

楊涵字水心益都人墨竹入神品性簡放不羈 馬感  
舊錄詩傳

楊維聰字海石海鹽人畫魚噉喙踴躍無不入神片  
鱗半甲人爭寶之惜臨撫託名者幾徧吳下人以  
絹素相乞者拒之以佳茗餉者即糊墨搖筆如飛  
云 嘉興府志 畫徵錄



楊恢基字石樵山西人睢寧知縣山水花卉學石田  
畫徵錄

楊芝錢塘人人物仙佛鬼判筆力雄健不假思慮  
愈大愈妙嘗云安得三十丈大壁磨墨一缸以田  
家滌場大帚蘸之乘快馬以帚數筆庶幾手壁方  
舒而心胸以暢也 畫徵錄 畫識

楊晉字子鶴號西亭常熟人山水清秀為王翬高  
弟兼工人物花卉寫真洵足名家尤長畫牛年八

十餘

江南通志

昭文縣志

琴川新志

畫徵

錄

柳南隨筆

楊謙字六生山陰人善倣龍眠白描人物寫花卉

偏翻有致

圖繪寶鑑續纂

楊溥字偉壽號鑑山東湖人學畫於沙在孟兆泰

得其指授寫生入佳品晚年尤以山水擅長

東湖

縣志

熙朝名畫錄



楊振崑字步青號蓮塘武進人不名一家尤工設色

山水 平湖縣志 劉繩菴外集

楊泰基字瞻岳號海農平湖布衣山水宗馬遠蒼古

簡淡尤善指畫 平湖縣志 畫徵續錄朱綸瀚傳

楊芝茂字子瑞順天人人物倣小李將軍寸豆人馬

設色絢麗又善寫貌曾蒙

召寫

御容 圖繪寶鑑續纂

楊啟運湖廣人善山水 同上

楊銜字鼎玉順天人善山水人物 同上

楊遠字仲馨錢塘人善倣北宋人山水 同上

楊昌文廣東人善蘭花竹石 同上

楊九垓字孚九善畫 平湖縣志

楊霖字雨升如皋諸生善人物山水 圖繪寶鑑續

纂

楊士章字譽斯龍溪人畫法白陽 書畫史



楊 舟字漁者莆田人隱苦竹山寫鹿形致逼肖福建通志

楊 翥字丹山常熟人寫仙佛曲盡意態傑然稱名手常熟縣志

楊 遂字左佩常熟人能山水虞山畫志

楊 亭字雲房晉子雜畫能紹家學同上

楊士林字大椿號梅巖元和諸生蘭竹饒有書卷氣味工詩著寒香齋詩稿耕硯田齋筆記

楊 亭字元草維揚人寄寓秣陵山水畫少溫潤然挺特巉巖自成一家家貧無子晚年與瞽妻對坐荒池草閣中晨夕禮佛號維晨炊屢空嘯咏自若不干求人年七十餘以貧死讀畫錄 閩海寶鑑 續纂

楊 點吳人康熙時修羅浮山志點為繪羅浮山志

楊 原善畫竹密者九勝稱能品高淳縣志



楊方熾字成章號見如晚號復春海鹽人國子生工  
山水人物花鳥性喜間靜每當風日晴和窗明几  
淨染翰不輒甫擱筆親友見愛者卽任情攜去不  
自矜惜流傳者少四十後轉以奕自娛雍正乙巳  
生乾隆庚子卒年五十有六 畊硯田齋筆記

楊 良字白眉善畫驢愛食牛肉人有求其畫驢者  
以牛肉一筋輒換得之咸謂之曰楊驢子 揚州畫  
舫錄

楊建泰字軒山號珊溪餘姚人僑寓上洋工山水尤

喜青綠 墨香居畫識

楊汝諧字端揆號柳汀又號退谷華亭人以資授通  
判富收藏丹青涉筆便秀行楷入海嶽香光之室  
通音律能詩寄情篆刻著崇雅堂詩鈔 墨香居畫

識 松江詩徵

楊 培字義山晉江人居金陵嘉慶丙辰舉孝廉方  
正山水蒼松或梅蘭蘅石小景大幅皆奕奕可喜



性愛竹尤善之幼號神童性孝友重然諾人咸稱  
曰叢山先生詩崇骨格書法於勁中時露機趣墨  
香居畫識

楊謙字炳南嘉定人善寫梅同上

楊安景字映滙杭人寓吳門山水得翟大坤指授同上

楊振鐸字蟾橋畫竹蒼勁得顧定之法同上

楊嘉梓字南田號祝圃吳人山水得周笠指授同上

楊天璧字繡亭號宿庭上元諸生山水花卉竹石涉  
筆輒佳詩文亦工墨香居畫識 莫愁湖志

楊恕字西溪杭人國學生善寫意人物花鳥得恽  
法書亦如之 莫愁湖志

楊昌緒字補帆吳人國子生山水於渾厚中而仍遇  
秀逸每入詩意士女仿六如雅韻有致耕硯田齋  
筆記

楊錕字次雲錢塘人工山水畫宗婁東虞山殊有



師承

蜨隱園書畫雜錄

楊

春字南欄桐鄉諸生工繪事遊者名勝嘗作圖

賦詩以紀其事著香坡詩集

兩浙名畫記

楊

壇字爽菴號克欺秀水人工書畫詩亦負時譽

同上

楊

琛字鍾麟號樵谷又號竹虛子方熾子邑諸生

山水沉著喜講皴法能作尋丈大幅少失怙恃以

畫自給遠近知名

畊硯田齋筆記

楊欲仁字體之直隸

八江蘇知縣墨梅宗補之

法 同上

楊士鏞號兩湖江寧人善山水工篆書鐵筆精鑿別

莫愁湖志

楊湛思字琴山陽湖人憚格從甥工山水

法時帆十

六畫人歌

楊

銑字前民六安明經善畫工草書詩有集

六安

州志



楊秉柱字辛甫吳江人善畫蘭 畫林新詠

楊墨香 無錫人善畫蘭 同上

歷代畫史彙傳卷二十四目錄

陽韻

張衡 後漢 飛 蜀漢 墨 晉 收

則 宋 季和 南齊 僧繇 梁 善果

儒童 孝師 唐 法受 藏

萱 仙喬 遵禮 通

志和 諲 惟且 噪

符 敦簡 騰 李八



志

涉

容

南本

詢

贊

立

昱

桂

素卿

圖梁

南後唐

元前蜀

景思

道隱

玫後蜀

質五代

及之

戡宋

鈴

昉

宗古

經

訓禮

舜民

無惑

大同

子謙

希顏

遠

明

戡

擇端

昌嗣

賁

舉

諒

永年

康年

紀

浹

著

通

彥悅

森

茂

翼

翠峰

仲

鎡

瑞衡

鎰

萬成

思義

師錫

敏叔

德新

咸熙

秀才

團練

赤目張

道人

珪金

汝霖



永淳

公佐

遜元

孔孫

衡

德琪

敏夫

羲上

文樞

遠

明德

以文

中

渥

明卿

心田

定

英

令

寫真翁

羽材

嗣成

嗣德

雨

元靖

歷代畫史彙傳卷二十四

長洲彭蘊璣朗峯編

張

後漢

張衡字平子南陽西鄂人永元中舉孝廉不就安

帝徵拜郎中後徵拜尚書建州蒲城縣山有獸名

駭神豕身人首好出水邊石上衡曾往寫之獸入

潭不出衡迺潛以足指畫之今號為巴獸潭為人



才高於世無驕尚之情從容淡靜不交接俗人善

屬文通五經貫六藝建初戊寅生永和己卯卒年

六十有二著周易訓詁詩賦銘七言靈憲應問七

辯巡詰懸衡集作元懸通元圖凡三十二篇後漢書本傳

并注歷代名畫記圖繪寶鑑郭氏異物志

蜀漢

張飛字益德涿郡人喜畫美人善草書官拜車騎

將軍領司隸校尉封西鄉侯曹公追先主於當陽

長阪先主棄妻走飛將二十騎拒後據水斷橋瞋

目橫矛曰身是張益德也可來共決死敵無敢近

遂得免先主既定江南入益州還攻劉璋飛與諸

葛亮沂流而上分定郡縣至江州生獲璋將嚴顏

飛呵曰大軍至何以不降顏曰卿等侵奪我州但

有斷頭將軍無有降將軍也飛怒令左右斫頭顏

色不變飛壯而釋之引為賓客曹公破張魯留夏

侯淵張郃守漢州郃與飛相拒飛率精兵破郃巴



土獲安其雄壯威猛亞於關羽稱萬人敵雖愛敬君子而不恤於小人先主常戒之曰卿刑殺既過差又鞭過健兒而令在左右此取禍之道也伐吳之役將率兵會江州臨發帳下將張達范疆殺之持其首奔孫權追諡曰桓蜀志本傳 畫髓元詮

晉

張墨師衛協人物圖繪但取精靈遺其骨法有畫聖名古畫品錄 歷代名畫記 圖繪寶鑑

張

收太康中益州刺史善古人故實益州名畫記 林泉高致

宋

張則師吳暕意思橫逸動筆新奇古畫品錄 歷代名畫記 圖繪寶鑑

南齊

張季和繪遊清池圖歷代名畫記 圖繪寶鑑

梁



張僧繇吳中人天監中為武陵王國侍郎直秘閣知  
 畫事歷右將軍吳興太守善傳貌兼圖繪雲龍人  
 物故實畫龍點睛即飛去所繪釋氏與顧陸並馳  
 為得京人之筆山水則素縑之上竟以青綠重色  
 先圖峯巒泉石而後染出邛壑巉巖不以筆墨先  
 鈎者謂以沒骨皴自其創始續畫品 宣和畫譜  
歷代名畫記 畫後品 圖繪寶鑑 畫苑  
 畫史 畫僧記 太平廣記 神異記 唐詩紀

事 朝野僉載

張善果或作果僧繇子能父藝標置點拂殊多佳致貞

觀公私畫史 畫後品 歷代名畫記

張儒童善果弟能父藝貞觀公私畫史 歷代名畫

記

唐

張孝師為驃騎尉善畫嘗死而復蘇得識所見故善  
 繪地獄變相時稱妙品唐朝名畫錄 歷代名畫



記 宣和畫譜 圖繪寶鑑

張法受善描寺壁梵像兼善山水 歷代名畫記

張藏吳道元弟子寺壁裁度麓快思若泉湧亦好

細畫 歷代名畫記 圖繪寶鑑 畫史會要

張萱京兆人開元館畫直鞍馬屏幃宮苑士女名

冠一時花蹊竹樹點綴皆極妍巧尤長於寫嬰兒

畫婦女以朱暈耳根為別 唐書藝文志 唐朝名

畫錄 歷代名畫記 宣和畫譜 京洛寺塔記

圖繪寶鑑 畫鑑

張仙喬木名愛兒元宗改是名好雜畫蟲像亦妙又

善捏像 歷代名畫記

張遵禮善畫鬪將鞍馬器械小畫尤佳 歷代名畫記

圖繪寶鑑

張通河間人曹州刺史工山水雜畫尤精贍 唐書

宰相世系表 歷代名畫記 圖繪寶鑑

張志和始名龜齡字子同自稱烟波釣叟著元真子



亦以自號婺州金華人年十六擢明經以策干肅  
宗特見賞命待詔翰林授左金吾衛錄事參軍善  
圖山水人物舟梁烟波風月鳥獸皆以其文寫之  
初母夢楓生腹上而產志和後居江河不復仕每  
垂釣不設餌志不在魚也縣令使浚渠執畚無忤  
色嘗以大布製裘雖暑不解觀察陳少游表其居  
曰元真坊以門隘爲買地大其門號回軒巷門阻  
流水無梁爲之構橋號大夫帝嘗賜婢奴各一志

和醜爲夫婦號漁童樵青陸羽嘗問孰與往來對  
曰太虛在室明月爲燭與四海諸公共處未嘗少  
別也何有往來每於酒酣或擊鼓吹笛舐筆輒成  
畫嘗撰漁歌憲宗圖真求其歌不能致李德裕以  
嚴光比之著大易十五篇唐書本傳 唐朝名畫  
錄 歷代名畫記 畫史 畫旨 圖繪寶鑑

張 謹圖繪寶鑑 官刑部員外郎工丹青尤善山水工  
詩能草隸精易卜與王維李頎爲詩酒友 歷代名



畫記

圖繪寶鑑

唐詩紀事

悅生別錄

王

右丞集

張惟巨工山水雜畫尤精瞻

歷代名畫記

圖繪寶鑑

鑑

張

璪

益州名畫錄作藻

字文通吳郡人官檢校祠部員外

郎鹽鐵判官坐事貶歷衡忠二州司馬樹石山水

高低秀絕咫尺深重所謂南宗摩詰傳張璪也畢

宏擅名於代一見驚異之異其用秃筆或以手摸

絹素問所受曰外師造化中得心源宏於是闔筆

畫松特出古今能用筆法嘗以手握雙管一時齊

下一為生枝則潤含春澤一為枯枝則慘同秋色

衣冠文行為一時名流撰繪境言畫要訣

唐朝名

畫錄

歷代名畫記

益州名畫錄

宣和畫譜

畫史

畫旨

圖繪寶鑑

廣川題跋

唐文

粹

張符自號煙波子畫牛得韓滉派所繪放牛圖獨



取其村原風烟荒落之趣兒童橫吹藉草之狀其一簍一笠殆將人牛相忘非妙造其理有進於技者何能著於筆端

畫評

宣和畫譜

圖繪寶鑑

張敦簡清河人山水松石雲霓人物花鳥草蟲俱曲盡其能

白長慶集

張騰大和末偶止蜀川善道釋雜畫布色頗窮其妙

益州名畫錄

圖繪寶鑑

張李八善釋氏畫

歷代名畫記

張

志善釋氏畫

同上

張

涉士女特善

唐朝名畫錄

張

容士女特善

同上

張南本中和時寓止成都善神佛初與孫位同學畫水南本以為同能不如獨勝乃改畫火精得其性人謂應神

圖畫見聞志

益州名畫錄

宣和畫

譜

畫品

畫繼

圖繪寶鑑

張詢字正言南海人性孤潔家貧力學不第百藝



俱絕畫極其妙流寓長安至蜀為僧夢休作早晚  
午三景於壁僖宗幸蜀見之歎賞彌日所圖雪峯  
危棧極工吳山楚岫枯松怪石小筆亦工 圖畫見  
聞志 宣和畫譜 益州名畫錄 圖繪寶鑑  
廣東通志 唐朝名畫錄

張 贊河陽人工佛道人物 圖畫見聞志 圖繪寶  
鑑

張 立蜀中人畫多水墨善寫墨竹 圖繪寶鑑 李

衍竹譜

張 昱善畫雞 圖繪寶鑑補遺

張 桂西川人工雜蹟 同上

張素卿簡州青城山道士僖宗時賜紫衣人物山水  
縱橫灑落道門尊像時推妙手 益州名畫錄 宣  
和畫譜 圖繪寶鑑

梁

張 圖字仲謀洛陽人梁太祖在藩鎮日圖掌行軍



資糧簿籍故時人呼為張將軍善潑墨山水自成

一體不由師授又善釋像用濃墨麈筆甚豪放手

面及儀物則用細筆輕色另成家法 圖畫見聞志

五代名畫補遺 圖繪寶鑑

後唐

張 南工佛道像 圖畫見聞志 畫繼

前蜀

張 元簡州金水石城山人工人物尤善羅漢多取

奇怪人呼為張羅漢 圖畫見聞志 益州名畫錄

宣和畫譜 圖繪寶鑑

張景思永平時人元之裔世傳佛像羅漢 益州名畫

錄 圖繪寶鑑

張道隱綿竹人善畫 野人間話 綿竹縣志

按益州名畫錄圖繪寶鑑俱作姜道隱姑兩錄之

當攷

後蜀



張 玫成都人為翰林待詔工士女人物故實尤善

寫貌有自漢至唐治蜀君臣像三卷其父亦為待

詔工畫佚其名 圖畫見聞志 益州名畫錄 圖

繪寶鑑

五代附錄

張 質定州人工田家風俗 圖畫見聞志 圖繪寶

鑑

張及之京兆人工犬馬花鳥得其敦龐之狀筆力豪

逸

宣和畫譜

圖繪寶鑑

宋

張 戡瓦橋人善外蕃人物得形骨之妙 圖畫見聞

志

圖繪寶鑑

張 鈐一名翼幽國人蕃馬人物師趙光輔運筆落

墨有刀頭燕尾之狀 宋朝名畫評 圖繪寶鑑

按圖繪寶鑑有二張翼此張翼下注云一名鈐

張 昉字升卿汝南人人物學吳生法用意敏速變



態皆善大中祥符中曾於玉清昭應宮繪天女音  
樂不假朽畫奪筆力就性剛潔不喜附阿云

宋朝

名畫評 圖繪寶鑑

張宗古工山水 圖繪寶鑑

張 經畫繼圖繪寶鑑 姑蘇人善雜畫尤精傳模翎毛

鑑俱作涇

蘆雁不俗見稱米芾 圖畫見聞志 畫史 畫繼

圖繪寶鑑

張訓禮舊名敦禮避光宗諱改是名汴梁人尙英宗

女祁國長公主授左衛將軍駙馬都尉以節度寧

遠將軍終學李唐山水人物樹石並髣顧陸筆法

細緊神秀如生疏言變法易令始於王安石成於

蔡確近者退確進司馬光所得多矣章惇爲政言

其忘德犯分配正朋邪密封章疏詆毀先烈引譽

罪首爲當褒崇欲其黨儔盡見收用屢謫屢復大

觀初徙雄武卒贈開府儀同三司 宋史本傳 圖

繪寶鑑 畫史會要



按圖繪寶鑑敦禮訓禮重且以敦禮作哲宗堦疑  
誤今從宋史本傳

張舜民字芸叟號浮休居士邠州人第進士徽宗時

吏部侍郎以龍圖閣侍制知同州坐元祐黨貶商

州

畫繼作均州

善山水平生嗜畫題評精確初爲哀崇

令時王安石倡新法舜民上書言便民所以窮民  
強內所以弱內富國所以蹙國以堂堂天下與小  
民爭利可耻也時人壯之司馬光薦其才氣秀異

剛直敢言爲監察御史上疏論西夏疆臣爭權不  
宜加以爵命當興師問罪後擢諫議大夫方七日  
所上事已六十章言多剴切爲文豪重有理致刻  
意於詩晚好樂府著述百餘篇自序云年踰耳順  
方敢言詩百世之後必有知音者紹興初追贈寶  
文閣直學士著畫漫集 宋史本傳 畫繼 圖繪  
寶鑑 郡齋讀書志 宋詩紀事

張無惑山人也善山水

畫繼

圖繪寶鑑



張大同工寫真 山谷集

張子謙能寫真 同上

張希顏初名適漢州人大觀初進畫得補畫院學諭

後變從院體官至蜀州推官 畫繼 圖繪寶鑑

張遠字行之太原榆次人政和中隱居山間山水

頗窮天真 同上

張明遠從子山水擅名 同上

張戢工山水應奉翰林日徽宗遣其乘舟往觀山

水之勝作八景圖為人志尚清虛每以琴自娛 圖繪寶鑑

張擇端字正道東武人官翰林畫史精界畫尤嗜舟

車市橋村落人物別成家數 寓意編 圖繪寶鑑

張昌嗣 圖繪寶鑑 字起之文同外孫授其畫竹必乘

醉大呼然後落筆 畫繼 圖繪寶鑑

張賁字元明池州青陽人為宣州司理工畫 太倉

穉米集



張舉懷州人善山水尤長濺瀑畫繼 圖繪寶鑑

張諒字武翼以字行工道釋人物為畫家格範圖繪寶鑑

張永年諒子曾事劉益學花鳥圖繪寶鑑諒傳

張康年諒子有父風同上

張紀錢塘人師李迪花竹禽獸杭州府志 圖繪寶鑑

張浹紹興人宣和畫院待詔賜金帶人物山水師

郭熙圖繪寶鑑

張著山水師郭熙重山疊巘後人無及之者同上

張通鄜延人長於仙佛畫繼 圖繪寶鑑

張彥悅建陽人考究車服制度想像人物風采觀者

皆歎其工閩畫記

張森字材叔建人畫傳未文公所不可傳李文溪

集 真西山集

張茂杭人光宗朝隸畫院山水花鳥俱精緻小景



更佳 畫史會要 圖繪寶鑑

張翼字性之號竹林理宗時金陵人初學胡彥龍成於盛師顏人物道像雜蹟外尤工逸筆 圖繪寶鑑

張翠峯淮陽人師胡彥龍畫龍神雷將 同上

張仲寶祐時待詔花鳥並林椿善山水人物 圖繪寶鑑 畫史會要

張鑑字功父號約齋清標正致為時聞人詩酒之

餘能畫竹石古木 同上

張瑞衡 圖繪寶鑑 鎮江人以進士調句容縣畫木石有名 同上

張鑑字季萬北人後居滁州山水得破墨法善草

書 圖繪寶鑑 畫史會要

張萬成花鳥宗林椿 圖繪寶鑑補遺

張思義善人物花卉 圖繪寶鑑

張師錫工花竹禽鳥 圖繪寶鑑補遺



宋詩紀事張師錫小傳云開封襄邑人仁宗朝殿  
中丞未言能畫疑是其人當攷

張敏叔工花木 同上

張德新善花鳥 同上

張咸熙工畫 同上

張秀才佚其名善寫容 欒城集

張團練山水人物頗清潤 圖繪寶鑑

赤目張山水師真珪 圖繪寶鑑 畫史會要

張道人畫虎探三昧兼善花竹翎毛 方是閒居士藁

畫史會要

金

張珪正隆中工人物衣褶清勁鈎勒生動筆力雄

健 圖繪寶鑑 畫史會要 繪事備攷

張汝霖字仲澤遼陽文康公活子貞元甲戌進士第

官至平章政事封芮國公墨竹師王庭筠明昌庚

戌卒諡文襄 金史本傳 圖繪寶鑑 畫史會要



張永淳工畫雁 中州集

張公佐并州人工山水明昌泰和間推獨步 圖繪寶鑑

元

張遜字仲敏號溪雲吳人與李衍同時作墨竹自為不及即弃而為鈎勒竹得摩詰意松石坡陀有北苑法山水學巨然 圖繪寶鑑 畫史會要 吳中人物志 鐵網珊瑚

張孔孫字夢符其先出遼之烏落部入金遷隆安官至集賢殿大學士工山水竹石書宗王庭筠素以文學名且善琴尤善騎射及其立朝讜言嘉論有可觀者士論服之至元癸巳生大德丁未卒年七十有五 元史本傳 書史會要

張衡字士衡樂陵人為中書省左司員外郎堅辭屢辟不起山水學荆關墨竹自成一家少以才學知名書師張草 圖繪寶鑑 畫史會要 書史會



要

張德琪字廷玉燕人墨竹墨梅師王曼慶有佳趣書

學張草行書亦佳

圖繪寶鑑

書史會要

張敏夫燕人墨竹學顧正之

圖繪寶鑑

張羲上字師夔善山水

同上

張文樞字石隱湖州德清人幼曾為僧山水學巨然

善墨竹能書

圖繪寶鑑

江月松風集

張遠字梅巖華亭人山水人物學馬夏全補古畫

無出其右臨摹亦能亂真

圖繪寶鑑

書史會要

張明德仕為經歷善松石

德機集

張以文松江人畫稱名筆

畫禪室隨筆

張中字于正

一作松

松江人山水師黃公望亦能墨

戲

畫禪室隨筆

圖繪寶鑑

張渥字叔厚號頁明生杭人博學多藝工寫人物

白描法龍眠

圖繪寶鑑

畫史會要

玉山草堂

雅集

清江集



張明卿字子晦天台人竹石韻度清灑逼近文湖州  
文章有臺閣體游戲翰墨書法穠逸可玩

潛溪集

張心田崑山人善書畫

書畫史

張定字松巖嘉禾人善花竹翎毛

同上

張英字仁傑諸暨人善寫花鳥

紹興府志

張令佚其名襄陽人托豪練寫山郭

道園學古錄

寫真張翁居京城精於畫技年八十一神情眼碧蓋  
進於技不求世而自足焉

柳待制集

張羽材

圖繪寶鑑書史  
會要作與材

字國梁號薇山別號廣微子

嗣三十八代天師信州龍虎山人襲掌道教正一

教主主領三山符錄封留國公善寫竹與龍大字

有法草書亦佳潮矚鹽官海鹽兩州為患以術治

之一夕大雷雨以震明日有物魚首龜形者磔於

水裔患遂息延祐丙戌年卒

元史本傳

圖繪寶

鑑 書史會要 丹清志

張嗣成號大元羽材子為天師襲領道教主領三山



符錄如故能畫龍曾繪廬山圖亦善草書 元史本傳  
圖繪寶鑑 畫史會要

張嗣德號太乙為天師畫墨竹禽鳥 圖繪寶鑑 畫史會要

張雨一名天雨字伯雨號句曲外史又號貞居子  
錢塘道士點綴木石人物論意不論象古雅得六  
朝氣韻博聞多識善談名理詩文字畫皆為當時  
道品第一至元丁丑生至正戊子卒年七十有二

畫史會要 書史會要 珊瑚網 鐵網珊瑚

桃穀菴集 雲林集 玉山雅集

按疑年錄攷劉基作墓志云至正乙酉與外史一  
見明年七月卒則年止七十也當攷

張元靖道士不知何許人也浪遊閩浙間墨竹有名  
圖繪寶鑑



歷代畫史彙傳卷二十五目錄

陽韻

張觀明

羽

紳

文昱

未起

員

彥材

益

緒

子明

克信

子孫

仙童

德輝

德輔

世祿

南伯

祝

士達

渙

錦

鐸

子俊

璞



翔

寧

裕

祿

繼

倫

泰

路

翬

乾

天瑞

宏儒

玘

靈

志淳

欽

紀

靖

合

瀚

燕翼

允孝

廣

秋江

一奇

圯

錦

金

復

萱

元舉

應召

恭父

存仁

文樞

燦

文元

獅

堯恩

錫蘭

譽

鵬

爾葆

翮

淮

彥

龍章

遯

納陛

瑞圖

伯駿

玲

煥

彥復

敦復

愷

端

季

維

儒

厚卿

恂

似登

成龍



葆生

綸

默

大年

逸

名祺

一鳳

葵

君寶

字初

字清

元慶

澹然

子言

復

墨崖

歷代畫史彙傳卷二十五

長洲彭蘊璨朗峯編

張

明

張

觀字可觀松江楓涇人元末徙嘉興洪武中寓

長洲周莊卒山水學馬夏長於模倣筆力古勁

圖

繪寶鑑

畫史會要

無聲詩史

太平清語

張

羽字來儀以字行更字附鳳號靜居烏程人領



鄉薦爲安定書院山長徙居吳郡洪武初徵對不稱旨放還後又徵爲翰林侍制太常寺丞畫法米氏雲山好著述文辭典雅紀載行事詳而有體楷法右軍隸法韓擇本詩與高啟徐賈楊基稱四傑以配唐王楊盧駱太祖重其文歲癸亥自述滁陽王事命撰廟碑尋坐事竄嶺南未半道召還羽自知不免投龍江以死元至治癸亥生明洪武乙丑卒年六十有三著靜居集 明史高啟傳 畫史會

要 書史會要 無聲詩史 大研齋筆記 詹

氏小辨 弇州山人藁

張 紳字士行又字仲紳自稱雲門山樵亦稱雲門遺老濟南人洪武時累官浙西布政善寫墨竹能作大小篆精鑑法書多所品題詩文不經意而自成一家負才畧談辯縱橫撰法書通釋 明書畫史

靜志居詩話

張文昱號蒲塘散人金陵人洪武中知邵武令仕至



刑部侍郎精畫善詩文居官廉介愛民 江寧府志  
無聲詩史

張未起義上高第善畫洪武初名盛兩浙清介凜然  
不苟接人 東里續集

張員字壹民一字天民號雲帆左目無瞳子自稱  
左瞽洪武初辟爲開化教諭善畫兼善草書 紹興府志  
餘姚縣志

張彦材山水意味與盛懋同又善寫真能詩 太倉州

志 常熟縣志

張益字士謙號菴菴吳人永樂乙未進士官侍讀  
學士寫松竹與夏昶同文章雄健昶見其石渠閣  
賦出已上遂不復作文益見昶竹妙絕久不復寫  
竹各以所能名世工楷書爲人清醇端謹入內閣  
典機務正統末死土木之難贈翰林學士諡文僖  
著有畫法 明史王紱傳 姑蘇志 列卿記 圖  
繪寶鑑續纂 無聲詩史



張緒字廷瑞常熟人永樂時以才名薦為會昌侯

府教授墨竹亞於夏昶雁行屈昶詞筆通贍楷法

端勁常熟縣志無聲詩史夏景傳圖繪寶鑑

續纂

張子明字蘭雪號大頑又號雲山道人彥材子永樂

中徵至京師有名公卿間工山水善畫竹兼善花

鳥太倉州志常熟縣志

張克信邊文進婿得邊氏粉墨門法遂為沙縣翎毛

之祖閩畫記

張子絃閩人畫梅有蕭疎淡遠之致閩書

張仙童安化人善釋像少從羅理凡寺廟牆壁經其

畫者咸稱神妙慶陽府志

張德輝字秋蟾號雲巢老人慈谿人畫龍追蹤陳容

畫史會要

張德輔長樂人善畫魚閩畫記

張世祿儀封人人物山水道釋名重當時亦精寫真



明書畫史

張南伯工墨梅 畫史會要

張 祝字啟韶號賜閒長洲人宣德庚戌進士為保定知府工竹石正統初上疏言畿甸旱蝗乞暫停征稅放免匠役蠲除倒斃馬匹以甦民困 姑蘇志

張氏世譜

張士達長樂人龍虎蘆雁用墨設色俱入神妙 閩畫記

張 渙字文甫號雲心秀水人宗趙伯駒孟頫石銳

諸家種種逼真 嘉興府志 嘉興志補

張 錦慶陽衛人善畫 慶陽府志

張 鐸錦弟自幼見兄作畫即領悟長遂以畫名翎

毛尤精 同上

張子俊號古淡浙江人由中書舍人仕至禮部員外

山水宗荆關 畫史會要 東里詩集

張 璞字廷采號友山松江人正統中歷陳州沂州



學正善畫刻志於學躬耕隴畝手執一編以自隨  
工詩 華亭縣志 無聲詩史王蒙傳

張 翔字元龍崑山人正統中薦授按察司照磨終  
廬州知州間作喬柯竹石方尺之紙俱有生意 崑  
山人物志

張 寧字靖之 無聲詩史 號方洲海鹽人 杭州府志  
作靜之 景泰甲戌進士官禮科給諫後與執政忤出爲汀  
州郡守工人物山水筆法類子昂特饒姿逸天順

間作蘭竹俱不輕與人點染出使高麗海外聞名  
詩思敏捷高麗望華集載其詩頗多善書有重名  
負志節持正義聲稱藉甚不爲大臣所喜元日會  
百官朝參如朔望寧言四方來覲不得一覩天顏  
疑似之際必至訛言相驚願勉循舊典用慰人心  
帝疾不能從而奪門之變作朝鮮讐殺毛憐詔寧  
偕武忠往解其讐以不能俯仰拂衣早退家居三  
十年卒無子二妾鬻髮誓死樓居不下者四十年



詔旌爲雙節

明史本傳

杭州府志

海鹽圖經

畫史會要

書史會要

無聲詩史

紫桃軒

雜綴

張

祐字天吉鳳陽人永樂時爵襲隆平侯爲人和

易如儒者作梅花清氣襲人

圖繪寶鑑續纂

無

聲詩史

篁墩集

張

祿字天爵祐從弟世其爵梅花有兄之妙

圖繪

寶鑑續纂

無聲詩史

張

繼燕山人宣英時名手善釋家人物

昇州續景

張

倫字秉彝善人物鬼神山水蒼秀

畫史會要

無聲詩史

圖繪寶鑑續纂

張

泰字國泰成化癸卯舉人爲臨湘令有聲於畫

善學王紱出蹊徑外

無錫縣志

張

路字天馳號平山大梁人以庠生遊太學人物

學吳偉山水有戴進風致花鳥亦工北人視若拱

璧

祥符縣志

畫史會要

無聲詩史

圖繪寶



鑑續纂 藝苑卮言

張翬字文翬成化間太倉人山水宗夏珪兼工畫

馬年九十餘猶揮灑不倦常熟縣志 畫史會要

無聲詩史 圖繪寶鑑續纂

張乾字維健太倉人直仁智殿畫宗馬夏太倉州

志

張天瑞憲宣時人工墨竹成齋集

張宏儒畫學趙千里常熟縣志

張玘孝宗時授錦衣武職工繪畫畫名家錄

張靈字夢晉吳郡生善人物山水間作竹石花鳥

筆秀絕塵善詩好交遊為俠醉則使酒作狂與唐

寅為隣志氣雅合茂才相敵明史唐寅傳 圖繪

寶鑑續纂 無聲詩史 丹青志 藝苑卮言

張志淳字進之江寧人正德中南京戶部侍郎書畫

咸精造名家 列卿記

張欽字士敬號震齋祥符人寧陽恭靖王懋之長



子仕至都閩山水花竹得古人風著保定府志大同府志

圖繪寶鑑續纂

無聲詩史

張

紀字文正海鹽人繪人面色淺染三停用積粉

法謂額鼻頰今所謂三白此古法也士女與唐寅

相上下

嘉興府志

海鹽圖經

張

靖山東人道釋人物得吳道子之與尤善寫照

圖繪寶鑑續纂

無聲詩史

張

合字懋觀永昌人年十六舉鄉試第一登壬辰

進士仕至湖廣憲副工書畫性嗜學權貴造請者

謝却之

雲南通志

畫史會要

張

瀚字子文號元洲仁和人嘉靖乙未進士仕至

吏部尚書諡恭懿山水絕似仲圭書法大令智永

著明疏議輯略另有詩文集

明史藝文志

圖

繪寶鑑續纂

快雪堂集

張燕翼字叔詒長洲人嘉靖甲子與兄鳳翼同領鄉

薦善猗蘭叢篠怪石能書善詩時吳中皇甫四子



冲淳汭濂俱有才名張氏弟兄三人鳳翼燕翼獻  
翼繼起吳人語曰前有四皇後有三張明史皇甫  
淳傳 兖州續纂

張允孝更名初字太初人稱貞白先生華亭諸生少  
游支徵明門晚居沙關不踏城市畫宗惠澤從昆  
陵薛方山游盡得其理學宗旨長於詩書法宗孫  
過庭松江府志 無聲詩史

張廣字秋江無錫人善畫嘉靖中待詔內廷世宗

見其萬福圖賞之令盡進所畫於是官者盡屬廣  
為圖將獻以邀寵廣辭疾不可明日捉之已南歸  
矣無錫縣志

張秋江浙人寫芙蓉花卉極妙畫史會要 圖繪寶  
鑑續纂

按此二人疑是一人惟里居不同無聲詩史又載  
張玲字子仲號秋江善花鳥未識里居姑俱錄當  
攷



張一奇字彥卿自號散仙沙縣人嘉靖間召畫便殿稱旨授錦衣千戶翎毛山水名聞於時沙縣志 閩畫記

張 圮字廷循寧之孫山水人物寫照有祖風圖繪寶鑑續纂

張 錦字大紳寧曾孫能山水人物寫照同上

張 金字德純以字行吳江人隱居梅里畫猫懸室真猫見而與之鬪知縣劉某高其行屏從造訪短

凡山肴相對移晷蘇州府志 松陵文獻

張 復字元春號苓石隆萬間太倉人無聲詩史 年

逾八十揮灑不倦初師錢穀頗擅出藍之譽山水

於荆關范郭馬夏倪黃無所不有久而自運其生

趣於蹊徑之外人物以沈周為宗而工緻過之畫

史會要 無聲詩史 弇州續藁

張 萱字夢奇號九岳別號西園惠州人萬曆壬午魁鄉薦仕至平越知府畫筆頗饒別趣真草篆隸



皆工又與馮夢正等結詩社初爲制誥中書侍經筵纂修正史得發秘閣藏書讀之與修玉牒權潯關極意寬商芟剔闕政弊蠹三吳飢捐賑關門并諸庠貧士修文廟寺院董公堤建義倉大學士申時行撰有權政碑頌其德父先歿比仕郡守乞終養歸里奉母遭母喪竭力營葬弟萃蚤世撫其子倍至外祖謝仁以清白吏祀鄉賢不數傳有鬻先廬捐金贖還復封其墓購田百畝佐魚菽館穀其

裔之秀者爲之延師督課立仁粟倉以濟族里每遇歲歉賑貸全活甚衆又捐資掩埋梓里親黨德之當事屢薦於朝高臥不起凡有興革必式問咨訪對無私狗年八十有四無疾端坐而逝崇祀鄉賢著西園集秘閣藏書錄已未刻者有二十餘種

明史藝文志 惠州府志 畫史會要

張元舉字懋賢號五湖吳人得外祖陳淳之傳氣韻生動人以金帛請輒拒酒酣興至縱筆揮灑遠近



購其練素為珍玩云 吳縣志

張應召字用之膠州人善山水人物尤工寫真墨竹

法湖州玉局 山東通志

張恭父神宗時東吳人畫柳稱國手 借研齋草

張存仁崇正時人善畫詩意 珊瑚網

張文樞德清人山水師巨然筆墨簡遠咫尺千里 畫

髓元詮

張 燦崇正時婁東人工人物 畊硯田齋筆記

張文元姑蘇人工美人 畫名家錄

張 翀字圖南號子羽江都人人物士女花卉著色

秀雅山水清潤 圖繪寶鑑續纂 無聲詩史

張堯恩字孺承杭州世家山水筆意與文氏相似傲

仲圭亦佳 圖繪寶鑑續纂

張錫蘭堯恩子山水能紹父藝 同上

張 譽字仲實號莪石廣東南海人曲江文獻公裔

善山水人物花鳥草蟲白描出龍眠之右筆法精



妙善書能詩

無聲詩史

圖繪寶鑑續纂

張

鵬字應秋號雲程福建甌寧人山水花草翎毛

特其餘事畫擅百家之長書臻四體之妙

圖繪寶鑑續纂

鑑續纂

張爾葆字葆生松江人弱冠名畫院山水寫生入能

品與李流芳董其昌齊名其壻陳洪綬得其畫法

山陰縣志

張

嗣字鳳儀長洲人善人物山水精細處得元人

遺韻

畫史會要

張

淮字子東寶山明經作丹青咸愛如拱壁著兩

泉集

崇明縣志

張

彥字伯美嘉定人工山水及花草人物與宏齊

名

圖繪寶鑑續纂

張

龍章字伯雲號古塘吳人人物及馬不下趙文敏

同上

張

遜嵯人善禽鳥

嵯縣志



張納陛字以登號文石宜興人萬曆己丑進士授禮部主事以建言謫遂放情邱壑寫山水得元人遺韻間作墨花竹石頗爲工秀

無聲詩史

張瑞圖字長公號二水泉州晉江人萬曆丁未殿試第三人仕至建極殿大學士召入內閣山水法大癡蒼勁有骨書法奇逸鍾王之外闢出蹊徑相傳張係水星懸書室中可辟火厄工書爲魏忠賢所愛故其柄政多迎合忠賢作忠賢生祠碑文詔旨

褒詞極駢麗後坐徒贖爲民

明史黃立極顧秉謙

傳 無聲詩史

圖繪寶鑑續纂

張伯駿字範我丹陽人以廕仕爲通政經歷山水脩

然清遠

無聲詩史

張

玲字子重

或作子仲

號秋江長於花鳥水墨點染花

葉露出白筋描寫生動意在筆墨之外

無聲詩史

張

煥字彥章號新槐豫章人傳神宛肖書兼真草

隸篆

無聲詩史



張彥復錢塘人曾手寫桂花一枝贈瞿佑 錢塘縣志

張敦復善山水 退齋心賞錄

張愷吳人工山水 圖繪寶鑑續纂

張端字肯堂常熟人仕為中書舍人善竹石小景 常熟縣志

張季字季奇號秋 常熟人山水人物不輕下筆 同上

張維字叔維寄跡西湖白稱西冷寓客季弟畫宗

北苑仲圭烟嵐出沒得吳越諸山之神詩才俊逸

常熟縣志 西州合譜

張儒字師雅常熟人郡諸生人物有風韻 虞山畫

志

張厚卿畫倣李唐筆作騰蛟圖禱雨有驗 南明詩集

張恂字穉恭涇陽人先世以業鹺江都崇正癸未

進士 圖繪寶鑑續纂 官中書舍人天才雋邁山水師

北苑善用枯筆皴工古文詞 江南通志 圖繪寶



鑑續集

畫徵錄

讀畫錄

葉忠節公遺稟

青溪集

張似登字文石年十二卽工畫水墨作寫意花草蘭

菊竹石頗有逸韻惜墨如金

陳康公題跋

按前納陛字以登疑卽似登之誤當是重出

張成龍字白雲大梁人臨摹名畫好諸家山水久而

彌化細密精工筆力高古又善作白描人物畫髓

元詮

張葆生字一葆會稽人雨若子山水小景極工緻同上

上

張 綸杭州人曾爲藩椽擅諸家山水同上

張 默字潛甫杭州人善繪古蹟山水過目輒倣倣

以折枝花鳥起家偏饒逸趣同上

張大年字世長崑山人精於書畫崑新合志

張 逸鄞人高陽壻畫得其派寧波府志

張名祺東莞諸生善書畫東莞縣志



張一鳳字隱之工書畫善吹洞簫

一寒齋副壘 婁

縣志

張葵

潁州人正德己卯孝廉畫法直逼馬

遠作徑丈飛白亦頗有奇氣

江南通志

潁州府

志

張君寶字全一一字元元別號保和容忍人號三丰

子人目為道邊張遼東懿州人寒暑惟一衲一簑

所啖升斗輒盡或數日不食或數日一食書經目

不忘或處窮山或遊市井能一日行千里金時修

煉寶雞縣之金臺觀元時學道鹿邑太清宮洪武

初復來寶雞永樂中又至京師天順間封通微顯

化真人嘗畫像又手書亭聯碑於平越高真觀與

里人張毅相習毅四世孫朝用嘗遊寶雞山遇三

丰問汝家名毅者為誰答曰吾高祖也三丰曰吾

曾見其始生時今孺子亦漸長努力讀書官可至

三品後符其言或見或隱竟莫測其存亡也著金



丹直指又著秘旨

明史本傳

貴州通志

畫史

會要

張宇初字信甫又字子濬號無爲子四十三代天師

墨竹成家亦精蘭蕙兼平遠山水五歲讀書十行

並下洪武丁巳方髻卅襲掌道教篇章翰墨各極

精妙永樂庚寅羽化著硯泉詩文集

明史正常傳

明史藝文志

畫史會要

明書畫史

張宇清字初弟宣德初進號崇謙守靜真人善寫山

水宣德丁未羽化

明史正常傳

曾西墅集

張元慶

畫史會要  
作慶之

天師善蘭蕙竹石博學能文工詩

畫史會要

張澹然號九歸道人天師山水宗二米布景清正亦

作枯木竹石

畫史會要

張子言號靜遠天師善山礬

仙墨梅

同上

張復字復陽道士居秀水南宮畫倣仲圭山水人

物草木俱入能品初業儒去从朱良菴學道善



詩自幼學書品法古人能通謂作大字宏治庚戌

年八十有八秀水縣志 明書畫史 無聲詩史

張墨崖南宮道士宏治間筆效仲圭麤辣有氣無聲



